

海
秋
詩
集

海秋詩集卷之二十一

益陽湯鵬海秋撰

七言律詩

憾別八首

八年不鼓瀟湘柁。一馬長嘶薊北天。
蚤識文章易。蕭瑟便應巖壑與。纏綿春聞幽鳥浮邱嶺。
秋買紅魚資水船。回首小時歌。彌地綠蘿高閣翠微邊。

南人北至尋常有。問訊驚呼涕淚奔。
童子交游半人鬼。山林門巷自朝昏。
冷風踈雨芙蓉岸。白鳥青猿橘柚村。

我比狄公心骨苦望雲不到九泉渾

慈母見背
二十三年

金絡銀絲鞍馬驕春風楊柳大官袍若爲七貴熏天最
未解三休避地高嶽麓山中無惡竹武陵溪上有名桃
百年鹵莽行藏事顛倒迂儒首重搔

季子衣裳悲歲月翟公門巷少蹄輪穩知拙宦皆天意
但媿無錢贍父貧十畝經營愧堂構一家烟火寄江濱
傳聞六月蠟燭旱禾黍焦枯最愴神

露青烟碧松楸秀湖澗山深童叟安雁戶田疇皆菽粟
兎園章句古衣冠近聞盜賊填閭井誰報封疆簡縣官

回首可憐鄉俗變傷心無那夜蟲酸

蒼眉侍御講堂開

趙鹿潭丈歸將授徒講學

邑大人稠有茂才井里

詩書成世業

天家杞梓貢羣材少蒙鄉黨壺飧惠今望芝蘭玉樹來
誰遣南宮消息斷高文典冊獨裴裛

洞庭湖水水東頭細雨扁舟波上鷗白髮漁樵自來往
紅顏弟妹長春秋宅森五柳藏陶令園種干瓜富邵侯
朝蹟可收吾計得主恩未報友朋羞

浮名能得幾開顏。試點朝班興已慳。雨雪風霜雙鬢改。
東西南北幾人還。蔣翁徑畔煙霞笑。漆吏篇中物我刪。
再放十年吾老矣。不圖麟閣便青山。

憶山中故人十六首

陳堯農

白雲紅樹五千里。古貌剛腸第一流。老見雪霜猶雨露。
澹於農圃况公侯。滄浪孺子歌清水。河渚先生頌獨游。
襍被孤蓬貪自在。百年浩蕩付沙鷗。

馬秋耘

芙蓉山下雨朝昏。老屋清秋一散人。梅福行踪無姓字。
井丹經卷豈風塵。牛車馬牧從渠喚。孔思周情與我親。
忽忽分飛限南北。林泉朝市每傷神。

勞硯農

堅卧湘西春復春。長歌懷古夢魂新。朱張渡口千秋淚。
屈賈祠前處士巾。簪笠蓑衣如我意。荻簾土錐與誰鄰。
不聞飛鳳求凰去。太作乾坤自在身。

硯農垂四
十不娶

勞辛咳

破帽衝風劍擊霜。烟波無際怨瀟湘。文章儘可驅鯨鯢。

羸。糲。還。應。典。驢。驢。江。上。蒹。葭。橫。釣。艇。山。中。薇。蕨。滿。衣。囊。
三。間。老。屋。逍。遙。在。羽。獵。何。須。獻。九。閭。

李石梧

筆。如。秋。露。思。如。泉。跌。宕。江。湖。今。幾。篇。紅。芷。綠。蘭。君。子。佩。
橫。風。細。雨。孝。廉。船。囊。因。羞。澁。莓。苔。護。屋。欲。欹。斜。蘿。葛。牽。
報。道。封。侯。君。有。骨。虎。頭。燕。額。總。飛。鸞。

龍湘橈

茅。屋。飄。蕭。付。雨。風。藥。牀。茶。竈。亂。西。東。長。卿。只。要。文。章。麗。
曼。倩。不。言。錢。帛。窮。天。地。有。秋。雙。鬢。白。江。湖。老。淚。萬。行。紅。

平生劍氣今何似。長卧烟叢與水叢。

孫笏亭

資江雲白浪花青。說劍銜杯舊得朋。地僻文章雙處士。
天清風雨一疎燈。近聞老病牽生事。獨自飄蕭卧古藤。
爛醉復醒醒復醉。草茅身世太懵騰。

趙午橋

江鳥江花襯白波。十年鄉縣與婆娑。飽看西日收杭稻。
醉倒東風抱薜蘿。一自鷓鴣棲薊北。誰教鴻雁斷湘阿。
淒清夜唱思歸引。無那青山笑我何。

左景喬

短軀高睨氣如虹。文藻煊爛敵太冲。一第輸人湘水怨。
三年望汝薊雲空。家多悲難驚朋友。天遣才華鍊雨風。
莫對清秋懷屈賈。卽看長劒倚崆峒。

方稼軒

巴陵年少近如何。未省言愁愁已多。春雨猿猱天岳樹。
秋風魍魎洞庭波。閉門歲月長懷古。與世文章故異科。
憔悴豈應需藥餌。自將名理鎮沉疴。

劉訪三

荒郊短巷夕陽遲。漢壽城邊秋盡時。黃葉閉門無客到。
黑髭成雪有天知。百年顛倒牛衣夢。一卷蒼茫雁字詩。
訪三嘗爲雁字七律百首抗疏薦君猶未得。天涯愁望淚如絲。

黎月橋

秋風秋雨怨湘潭。紫峴

張九

滄洲

陳鵬

何處探功截鯨

鯢青史在

滄洲持節東河治水有功

詩摧蛙黽小家慙

紫峴一號度西其詩傑然

登大家之堂

力追前輩思千載。老向空山寄一庵。世上浮名

何日是未應得失懣瞿曇

廖春泉

清言集 卷二十一
五
乾坤浩蕩。千秋水。詩酒淋漓。一放翁。白鷺青猿。成伴侶。
長鑣短屐。走蒿蓬。眼看富貴。墮中鹿。心遠菰蘆。江上鴻。
傳語衣冠。無限事。人歌人哭。總怱怱。在千秋水在郴州

陳雲林

鄧阜崔嵬。泚水深數間。茅屋帶幽林。停杯輒引華胥夢。
拔劍長爲梁甫吟。江海秋風。才子薰荃蘭。夜雨美人心。
蚤催龍化湖邊兆。拾取貂蟬白玉簪。誰云龍化湖乾中會元今在茶陵州
北半里許

廖月槎

白。雪。瀟。湘。映。美。人。詩。如。織。錦。字。如。銀。匡。牀。自。幻。莊。周。夢。
團。扇。長。遮。庾。亮。塵。南。國。松。蘿。堪。結。宅。西。風。貧。病。太。勞。薪。
善。調。藥。裹。應。差。健。金。馬。衣。冠。要。此。身。

陳海陽

天真爛漫是吾師

用杜句

寥濶關河幾歲時夢裏形容餘

髣髴客中書札太迂遲思君正似沅湘水憾我曾無鷗
鷺期借問五湖尋范蠡菰蘆深處少人知

與客對菊飲酒書懷

繁綠新黃拂檻斜冷烟疎雨使人嗟文章道薄慙才子

杯酒情深對菊花。問歲江南悲野殍。談兵塞外愴邊笳。何時簪筆綵綸地。

天子傳呼草白麻。

黃雲落日幅巾斜。籬菊垂垂楚客嗟。差仗少年無白髮。卻羞故我見黃花。短檠著述摩殘蠹。每歲風霜咽暮笳。強欲花前拚醉倒。夜闌不放故人車。

紀事十首

禮樂百年忘戰鬪。梯航四譯走均輸。載聞西域新戎馬。愁絕齊官一腐儒。衰草莎車嚴斥堠。黑雲疏勒黯郊鄒。

天教墨克遺非種叛服何常慘執爰

開。疆。神。武。昔。如。何。拉。朽。摧。枯。布。鶴。鵝。遂。使。蒲。萄。栽。禁。苑。
永。教。裘。帕。侍。廣。歌。膽。銷。豺。虎。春。常。滿。功。紀。嫖。姚。石。不。磨。
故。府。遺。編。軍。政。在。龍。韜。豹。畧。好。觀。摩。

今皇有道著恩威塞外崢嶸拱

帝。暉。豈。謂。指。揮。魚。鳥。陣。載。教。誨。挫。犬。羊。圍。揭。竿。反。覆。無。
懲。勸。持。節。分。明。有。是。非。太。息。絲。章。工。粉。飾。籌。邊。樓。下。羽。
書。飛。

守邊將校戴朝簪報答昇平此赤心英似郅都羣拜像

清非張奐豈還金。末陀騰格壺。筐盛藥市茶。航桎枯深。
忽聽邊聲起。鞀鼓天荒古塔陣。雲森。

天遠塵寒草不春。寡妻羣盜走踰踰。雨渾慈嶺路干折。
霧擁沙梁今幾旬。覓道張騫宜變化。登壇陶侃莫逡巡。
掃清沙漠英雄事。忍遣。

宸衷獨苦辛。

可憐姑墨皆強弩。試望新城有積骸。白晝人飢餐鼠雀。
重圍力困鎖陰霾。乞師慷慨吞聲哭。聞檄踟躕料敵乖。
萬一窮冬兵馬凍不成。破竹走狼豺。

專征上將號龍驤。偏將才名斛律光。此日

九重問陰策。蚤年隻手虜名王。濤飛瀚海旌旗濕。日落
天山兵甲黃。努力千秋靖邊塞。赤眉青犢洗肝腸。

天威蕩蕩鎮山河。金鼓堂堂疾電過。非獨出車宜召虎。
側聞轉餉有蕭何。朝廷不患黃金少。邊塞相看白骨多。
聖主好生嗟醜類。揮戈血戰涕滂沱。

蜂屯蟻聚亂喧豺。自斃戈鋌蠹可哀。頡利跳梁成獨騎。
匈奴趨走豈長材。盈盈窖米搜千斛。白白山鹽擁幾堆。
肯遣游魂活軀命。歛看長劍斬蒿萊。

傳烽候火紫烟沉。莽莽天堂路萬尋。磐藁城荒吹畫角。
牢蘭海大長愁。霽將軍出塞。鬚眉健。詞客哀時涕淚深。
不爲平淮奏碑雅。涓埃何以答。

皇心。

所思六首

唐鏡海太守

世事茫茫憑大造。君車兀兀走蒼梧。洗心元有山中興。
識字番爲饑所驅。雪點湘灘朝雁過。霜封桂嶺猿猿呼。
高牙大纛森天下。獨未封侯次望諸。

賀柘農提學

鄂縣城高天縹緲。荆江雲白水潺湲。宮牆崢嶸蛟鼉恐。
杖履矜嶢弟子賢。不見知章今幾載。狂歌太白有誰憐。
音書絡繹來悽惻。結習難除只枉然。

柘農數規余勿溺于文字而余不悛

負此崇論

黃惺溪太守

撤霧衝沙兩鬢愁。雁門太守幾春秋。飛狐口外朝嘶馬。
白石山中夜走蚪。折獄春風吹桎梏。教耕心血長鋤鋤。
知君用意龔黃輩。未暇緘書解我憂。

鄭芝泉太守

我愛襄陽賢太守。秋空一鶚欲橫翔。峴山漢水心如揭。
袍鵲腰犀鬢未蒼。開府碑陰苔蘚大。仲宣樓晚酒盃涼。
丈夫爲政兼懷古。秋月春風淚幾行。

唐育菴農部

七秋京國幾徬徨。杯酒淋漓氣慨慷。空說大官將有札。
終教半百困爲郎。里門嗚咽三年淚。吏議驚惶兩鬢霜。
育菴守制湘西。若便飄飄埃壚外。黃魚紫蠅滿江鄉。
以官事挂吏議。

陳蔭棠水部

勞勞疇昔短長吟。落落禪房旦夕尋。薄宦揚雄元有命。
笑人鄧禹獨何心。清江讀禮魚龍哭。黃葉閉門風雨深。
多謝君平不買卜。世間行樂是抽簪。

撥悶六首

束書捉劍走燕臺。雨雨風風兩鬢催。懷古不禁清淚墮。
出門忽見早梅開。酒家新甕淋浪醉。巷口名簫宛轉來。
却憶四愁無處著。乾坤不負腐儒才。

世事如棋只慨然。春曹俯仰月當軒。槐枯栢秃無喧鳥。
天淡雲閑似故園。韜養材華且癡鈍。拆除時命是攀援。

請看鷺雀雕梁上。風急巢傾不忍言。

千秋一劍獨蒼茫。宦海飄如未泊航。料理塵埃有書卷。
鐫磨芒角此風霜。陽春或雜巴人笛。大木終成禹廟梁。
十八公來尋舊夢。起占箕尾坐匡牀。

殿前作賦總摩空。十八瀛洲絢爛中。盛世文章此春氣。
少年天地獨秋風。雕龍繡虎名無著。瘦島寒郊怨太工。
領取物情瀟灑處。梅花如幄月如弓。

未辦經綸叫

帝閭。苦思風雅關詞源。青天白日朋知到。雄辨高譚淮。

海奔七字成詩俄百首。

八月朔至望
得七律百首

五花賒酒倒千罇。

可憐來日無薪米。硯北先生不復論。

衛霍功勲終鹵莽。蕭朱姻亞半銷沉。驅車倦走平津閣。
閉戶長橫中散琴。宿債未償朋友怨。安眠無夢雪霜深。
前身合是蒙莊叟。秋水篇中浩蕩心。

七哀詩

併序

自受書至通籍師弟淵源既其盛矣死喪之悲
亦頗有之義重心長各系以詩

山陽汪瑟菴相國

荃蘭生長楚江潭四海論文古意酣誰以齒牙吹孔闥
我知儒德敵姜龕蒼髯似戟羣公拜老學堪師
天子諳埋骨千秋長已矣白楊衰草哭江南

高郵王伯申尙書

千秋麟筆未荒蕪紫綬金章一宿儒晨傍

冕旒資獻納夜攤墳索點鉛朱鵠袍弟子門常滿鹿洞
先生貌最癯忽漫元亨斷消息山頽木壞太嗟吁

宜黃謝向亭學士

天庭侍從珮珊珊初日芙蓉雨後蘭作賦楊雄猶末技

上書賈誼有忠肝。九江月白魚龍哭。十口衣麤雨雪寒。
誰遣遺孤半蕭瑟。師恩未報淚丸攔。

武昌袁稚山員外

老馬頽車八九顛。法曹奔走自何年。公卿有意收神駿。
江漢無情叫杜鵑。但把詩書遺愛子。蚤羞錢帛買名田。
飛騰往日南宮薦。熱血輪囷極可憐。

昆明李篆卿太史

讀書東觀筆崢嶸。三賦先生舊得名。憶昨湖湘持使節。
卽今草木有悲聲。秋風不管鸞坡客。噩夢空餘鵬舍情。

我是醉翁門下士每尋杖履淚縱橫

益陽阮霞衣廣文

單衣素食撫秋絃潦倒江湖六十年負郭生涯拋二頃
講堂消息斷三鱸清嚴硯几雲霞外慘澹文章風雨邊
自罷廣文摧挫死誰云巾上有青天

益陽家琴堂布衣

野外風霜一劍斜麤繪大布了生涯只從太白騰騰醉
不問深源咄咄嗟枕麴先生披鶴氅執經童子傍牛車
如何竟墮陽侯手江水淒涼咽暮霞

琴堂師
墮水死

聞伯父訃紀哀

百年農圃鬚眉淡，萬里音書疾病驚。
天遣杜鵑鳴別墅，我思蠟鳳媿佳名。
蒼茫古劍陰霾際，嗚咽西風涕淚聲。
猶子遠離無限意，白楊衰草已縱橫。

白髮迢迢鴻雁孤。

家君書來不勝慘惻

紫荊鬱鬱有榮枯，每思春

杖經行處。其奈秋花婉轉鋪門外，灘聲搓素石林端。鳥語碎，高梧况聞垂死，雙行淚。尙說吾家千里駒。

讀張紫峴先生詩

揆天擲地氣擎雲，短引長歌調絕倫。
三楚精華爲筆力，

千秋壇坵此詩人才名聞。淡終騰躍。世事支離。多苦辛。
南望錦灣。鳴咽水。醉呼騷魄。與爲鄰。

與黃樹齋編修夜飲

少年懷古。茫茫立青眼。逢君嫋嫋來。每誦新詩知挺拔。
能容猛士與徘徊。百年阮籍杯中物。一夜林逋雪裏梅。
犀柄尙搖天欲曉。高談雄辨走風雷。

短燈燄燄對疏襟。吐棄貂蟬白玉簪。茂。暮風霜雙鬢禿。
天涯兄弟百杯深。每刪謠詠心如水。欲卷羈縻座有箴。
丹筆飛騰吾夢好。千秋雙鳥是知音。

新買屠蘇呼汝飲。天寒一醉舞婆娑。

寄輓趙鹿潭丈

釣竿詩舫水雲鄉。惻愴幽踪涕淚長。漢室未應留賈誼。
騷人元只葬湖湘。秋風慷慨文章老。日暮淒涼江海黃。
剩欲元亭問奇字。生離死別兩蒼茫。

禪心詩骨與時違。老矣封侯不問誰。世故驅人何日了。
秋風有札爲余悲。丈以書來招隱九峯樹杪猿猱挂。七澤蘆花

鷗鷺移。怊悵淮南招隱意。荒荒泉路負交期。

除夕詠懷

天涯爆竹一聲聲。狂飲屠蘇酒。數觥顛倒。舊袍今夕。著傳呼新歷。客心驚八年霜雪。瘦兒女。萬里夢魂來父兄。荆楚家家。穀饌足。飛騰總少一書生。壯士裴裒惜寸陰。年光如水。價如金。買燈故故。照華髮。打鼓荒荒。迴苦吟。季子辯才。終結舌。長卿渴病。少知音。含情若向蒼蒼問。來歲風霜深不深。

除夕友人來話西師凱旋因擊節讀余平回頌

聖主如天天下歌。山無豺虎海無波。請看疏勒新烽燧。不費元戎一羽戈。白面書生發狂喜。長安臘酒醒沉痾。

昌黎浩浩平淮筆欲獻雲霄奈遠何

除夕夢中挈內子瑞華游浮邱山得鹿車同上白

雲巔之句醒而奇之爰足成一律以寄其情

今夕何夕眠非眠醉中夢覺兩悠然苦遭人事不相放
如此家山極可憐駒隙漸拋青鬢影鹿車同上白雲巔
浮邱子是淮南子鷄犬昇天笑世緣

海秋詩集卷之二十二

益陽湯鵬海秋撰

七言律詩

春日言懷投所知十首

今年消息問風雷。倚檻蒼然綠破苔。
欲醒欲眠春鳥過。忽晴忽雨桃花開。
不成道德匡王國。媿以科名出草萊。
徙倚天涯悲鹵莽。百年但醉掌中杯。

結束城西醉墨堂。圖書滿載鬪身強。
揮毫慣掃千人陣。繞指難回百鍊鋼。
末俗交游多檢點。腐儒肝膽易開張。

落花滿地春燈亂。一夜思君九曲腸。

同似馬曹悲偃蹇。浪思驥足好騫飛。馮唐自被春風笑。
賈誼虛將淚點揮。雨急黃鸝無意思。枝高烏鵲有光輝。
坐觀物理心如水。嬾向蕉墮問是非。

柳眼桃腮一片春。物華滾滾鬪纖新。花枝照眼能娛我。
世路憐才却畏人。鴻鵠將翔毛濕雨。騏驎不語臂吹塵。
登高南望雲天濶。何處江湖老此身。

春風春雨濕春城。客裏逢春無限情。草帶花房聊點綴。
鶯簧蝶板太縱橫。天機澹泊元無淚。吾道韜藏尚有名。

安得一蓑歸去也。自驅黃犢遠村耕。

猿鶴沙蟲取次諳。青天一劍倚巉巖。三杯酒綠消愁壘。
九陌塵紅傲故衫。時事艱難成搏擊。才名顛倒落庸凡。
美人香草千秋意。薺菜無根芟不芟。

浮花浪蕊不勝春。狼藉東風馬足塵。豈謂妻孥霑道氣。
尙知天地屬詩人。千篇蒼莽侔山岳。一室艱難忘米薪。
却憾杜陵無廣廈。祇分魚菜及吾鄰。

不賦歸田不解嘲。浮生三十興滔滔。乾坤著我詩千首。
風雨搜君魄一遭。古意涵濡洗肝肺。太虛縹緲落毫毛。

若教陶阮從時論。縛繡繁竝調未高。

男兒個儻看書劍。京國纏綿只弟兄。十幅煙雲驅筆札。
一亭風月入杯罍。黃昏閱寂成危坐。明日遭逢似隔生。
大抵多情是春水。一波千折有餘清。

浮生浩蕩春常去。薄宦崢嶸氣不羣。策敵賈生何日奏。
香薰荀令幾人聞。心心明月應知我。歲歲新醅祇醉君。
若問道旁蟬冕客。聚如冷葉散如雲。

脈脈

放眼乾坤德不孤。酒龍詩虎一時俱。愛才得謗無羞悔。

閉戶深思有感吁。未必營簪工諷諭。肯隨驥尾好馳驅。
天寒脈脈同心子。顛倒裳衣淚眼枯。

飲慧裕亭儀部宅

說劍評砮興灑然。春花一樹簇簷前。渾如舊好雲山外。
非比長安俠少年。魚菜款賓含古意。文章搔首問青天。
就中白晢江南子。避席匆匆亦可憐。

汪衡甫未
飲先散

看君道氣釀肝腸。不厭狂生醉更狂。豈有大名齊管葛。
可憐餘事敵班揚。小堂明月人三影。青眼高歌淚幾行。
近想飄飄塵壑外。一航湘水忘行藏。

容臺放誕似頑僇與子相逢已二年長吏有心數延訪
腐儒何處學周旋堆鹽刻虎非吾事入穴探驪亦世緣
杯酒泥人惟一醉誰能瑣屑問夔魃

贈徐樗亭大令

兩浙東西是宦遊半生悲喜集觥籌蹉跎黃綬塵如許
浩蕩青天淚莫流華髮雕凋精典籍大官不識有童叟
師門寥落千回首老學淳風一敝裘

樗亭連余俱學
於謝宜黃先生

張亨甫到都飲酒書懷二首

悲君何意訪金臺春老幽州風雨哀世事只消蒙世夢

客愁肯放步兵杯。蒲萄美酒人間有。霹靂新詩天上來。
誰識春官材力健。江河萬古一裴裒。
長吟窈窕幾雲龍。海上才人涕淚紅。聚散渾如春夢過。
悲懽惟有酒盃同。昌黎罵鬼崢嶸際。太白游仙縹緲中。
遭子窮愁天有意。古來章甫尚西東。

初值樞禁

漢家宮闕對西山。月滿園林露滿軒。檻外星辰催曉漏。
殿前喉舌走詞源。十年雙屈才名老。五色鸞翔禁掖尊。
未信飛騰好毛羽。聽鷄攬珮拜。

君恩

樞廷清切近蓬萊著我書生腐可咍
四序有心觀化育八方無事獨悲哀
露排鵷序瓊琚冷日繞

龍鱗闔闔開若問洛陽好懷抱
凌烟須畫濟川才

十六人中是少年玉珂緩緩趁朝鞭
讀書或有五千卷草詔何當一萬篇
塞外虎貔籌置戍江南鴻雁哭連天
小臣出納肝腸白欲答涓埃只可憐

訪陳鈞心

五陵裘馬自西東羨汝昂昂野鶴同
伏處已能譚世事

勞歌何必問春風。寒驢來往雲三徑。綠蟻浮沉月一弓。
遠寄冥搜餘古意。不知天地有飄蓬。

酒力如山百感平。非狂非聖一迂生。未成四十元爲福。
便說林泉似不情。埋照汝應師阮籍。啖名吾亦笑黃瓊。
短車破帽長安道。憔悴人間吏隱并。

詠懷東汪衡甫

蒼狗須臾幻白雲。不堪惆悵不堪云。賦中鸚鵡空拏筆。
畫裏麒麟幾策勲。阮籍詠懷千俯仰。陶潛飲酒半悲忻。
百年歌苦浮邱子。落落汪生是我羣。

黃絹聰明兼妙譽。青蠅顛倒發新悲。請看天下無端事。
盡是人間最好詩。音滿咸池餘古意。胸吞雲夢有誰知。
千秋雙鳥傳丹篆。與爾酣嬉達所爲。

再訪陳筠心

弔古談今血淚紅。中年髮禿已成翁。草茅有道儒兼佛。
世路何心西更東。鴻寶枕中搜閩奧。楞嚴案上問虛空。
河東不借吹噓力。長夏高歌意未窮。

鳳泊鸞飄年復年。虞翻骨相只蒼然。五侯意氣無三握。
九陌烟花自一天。不負平生惟澹泊。偶逢知己亦纏綿。

天涯兄弟頻來往。濁酒清歌性所便。

與汪衡甫飲因和其感懷之什

蹇驢破帽自欹斜。乘興停車卽我家。世事只如風葉過。
詩歌不遣宦情賒。茶傳纖手拌如玉。酒破愁腸燭有華。
莫但顛狂看世上。孔顏行樂是生涯。

扇子湖晚行

半畝湖身一棹波。綠陰深處往來多。風如有意低楊柳。
水不能波長芰荷。落落閒雲吹短帽。娟娟初月照沉痾。
自慚迂拙非時棟。鼓柁瀟湘意若何。

書懷效羅隱體六首

骨髓。絨書。淚染衣。清秋。搖落。不勝悲。盈盈兩鬢。都爲減。
浩浩。千言。總未奇。幾見。魯連。浮海去。可憐。阮籍。哭途歧。
酒酣。自咏。平生事。未許。旁人。號五噫。

畏人。危坐。思身世。閉戶。長歌。了晝昏。四海。雷陳。幾膠漆。
九秋。屈宋。此荃蓀。語雖。切痛。宜無。際。淚欲。橫流。恐有。痕。
安得。癡騃。兼。漫浪。百年。作客。信。乾坤。

秋風。秋雨。撼秋。眠。愁去。愁來。今幾年。毛遂。淹留。雖尙在。
卞和。宛轉。玉誰。憐。歲華。易盡。須爲。樂。吾道。卑棲。只自便。

錯料九關蹲虎豹。莊周齊物蝶。翛然
默默無言。歷歷哀少年。白髮上頭來。鶴長鳬短。紛時態
鵲弱鴉強。兆禍胎。願減才華歸澹泊。莫牽人事與低徊。
故吾智慧。今吾鈍。雖有文章。不要媒。

沈思吾道堪流涕。且借羣謠自定神。鸚鵡籠中工罵客。
黃鸝枝上巧藏身。未論物態紛嘲評。只要才名鍊苦辛。
明月有瑕星有翳。卽垂圓景照天垠。

邯鄲夢覺萬緣刪。世上浮雲任往還。揚子有元遭訕笑。
山公無札懶援攀。數聲幽鳥是非外。一片涼風醉醒間。

忽憶東鄰新艇子。沅湘香草滿漁灣。

荅友人

平生風義敵陳雷。豈受人間燕雀猜。萬里搏鴟元可駭。
三言成虎不須哀。新愁得月澹如水。禍性逢人怯見才。
且薄浮名且攜手。酣歌長夏倒金罍。

送王刺史之武岡

清秋握手薊州城。卻話茱萸灘上行。禹廟焚香蛟鱷走。
蠻溪卷旆雨風驚。百年浮宦慚天咫。一劔凝霜鬱古情。
此去定聞歌兩鵠。早蘇飢溺煮新秔。

八月十二日健昭生

阿東

昭

咳嗽睡已成珠釋氏提携又歛間錯寫弄麀人尙

未試呼雛鳳爾何如腐儒世業傳詩禮故國田租半水
魚欲寫尺書貽白髮及聞英物慰離居

人間豚犬十常九天上麒麟是也非湯餅淋漓青瑣客
父書稠疊絳紗幃異鄉得子情何極小艇還家計尙違
羽翼倘成年齒長好扶吾杖洞庭歸

哭吳香國儀部

不到瀛洲最上頭青天鋪紙走銀鈎百年筆力生涯緊

十口秋風滿眼愁。中散遺孤誰羽翼。左徒故宅長松楸。

九原不少平生友。一坐容臺一淚流。

彭桐莊陳通峯劉申甫皆容臺舊友

先香園而逝

燕領封侯信有無。清秋冷宦一嗟吁。肯拚華髮窮年醉。
不怕長安沒酒沽。今日黃墟人寂寂。世間丹轂事區區。
急搜手墨吞聲哭。一幅巴箋萬顆珠。

荅王慈雨吏部論詩

百年俛仰對飛蓬。兀坐長吟月一弓。離合悲歡今日事。
縱橫上下古人風。杜韓酸醎吞餘地。陶阮聲聲到太空。

非爾用心塵壒外浮邱小子坐詩窮

爛錦繁絃浪得名孰刪綺麗入淒清乾坤實際浮空際
兒女新聲詭正聲不奏廣陵山水寂偶吟梁甫雨風驚
秋花滿地吾逢汝一洗人間孟浪評

一笑

九年擁被養沉痾紫綬金章薄似紗魚菜自無俄自有
妻孥含喜復含嗟枯槐著地風旋轉瘦菊當籬雨擺斜
物態可憐人意靜出門一笑策黎駟

聞陳堯農舉於鄉

一第艱難兩鬢塵。及聞登第轉愁人。山中槐市淹楊震。
榜下崑山倚郤詵。赤驥豈能忘道路。青松端好拔荆榛。
天涯兄弟年年淚。夢爾飛騰信有神。湖南榜信未到夢
堯農中式第九名

既而
果然

贈舒蘇橋明府

黃花白酒雨漫漫。天地清秋數往還。曉漏從容朝

北極。大名徙倚老南山。

嚴樂園廉訪由秦中入覲。上呼爲老南山。明府其鄉弟子也。

盜橫潁亳持刀戟。水溢淮揚哭寡鰥。不獨鍾離需汝急。
絃歌何以濟時艱。

送鄭雲麓觀察

雪滿貂裘月滿舟。勞勞相送海南頭。
百蠻瘴癘雲霞濕。五嶺煙花日夜愁。
遠道蒼茫分楚粵。論詩慷慨幾曹劉。
千秋僭耳文章魄。爲奠椒漿寫我憂。

經年漢署舌含香。攬轡珠江鬢未霜。
豈但旌旗飛嶺表。故思柱石繫朝堂。
籌耕塞外無長策。作吏江南有重創。
今代濟時期管葛。吾徒揮手慎行藏。

犀帶金章緩緩行。詩人例上海陽亭。
荔枝馬頰非塵味。水舶山獠有性靈。
海外文章應變化。社中盃酒半飄零。

吳蘭雪張南山姚石
甫王香杜先後出都
星年光如水人如葉
一曲離歌兩鬢

閉門

不堪痛哭不堪歌
覆雨翻雲奈若何
山插九疑荒日月
溪橫千嶂敵江河
百年直道向誰好
十月繁霜落木多
裘馬逢迎吾意懶
閉門端好理沉疴

送張詩舲前輩觀察山東

天涯風雪幾詩人
盃酒淋漓別淚新
裘帶無塵憐叔子
詞章有福傲靈均
卽看霖雨興東嶽
重憶瓊裾寄八閩

詩齡前輩使閩中解珮於鼓山

太息九年燕越客衆中不敢奏陽春

百粵東西五馬驅

齊見齊前輩守南寧傳秋坪前輩守瓊州

青青齊魯又君

車此邦子弟能詩禮吾輩功名豈簿書關入穆陵千俯

仰山尋梁父一嗟吁金章犀帶兼文雅爲政風流意有餘

哀顧南雅丈四首

不啖聲華不鬪奇白頭青簡味淋漓萬言蘊藉羣書窟
六法蒼涼老畫師名著朝廷還舊秩官貧弟子佐新炊
文章大抵多憔悴涕淚千行只浩悲

公材自合比髯蘇。鐘律高懸聲滿都。角技千家居上列。
持衡萬里少遺珠。讀書有味工名論。識道無人走俗儒。
今日藝林須鼓鑄。周情孔思恐荒蕪。

腹貯琅玕筆走泉。數排閭闔總堪憐。蹉跎經濟遲黃閣。
老大鬚眉似散仙。世事行藏今日矣。風流衰盛我淒然。
少年綺麗紛如許。未抵崢嶸賈董篇。

長擬江南舴艋舟。白波浩蕩狎輕鷗。百年來往漁樵夢。
一劒浮沉歲月秋。中外有人收楮墨。乾坤無意問箕裘。
信知才命爭消長。落日黃雲淚滿流。

賀陳堯農李石梧勞辛咳同入翰林

秋秋振羽鳳凰儔。飛向梧岡最上頭。金馬衣冠華蓋近。
宮壺雨露異香浮。天依蓬島三千界。人是湖湘第一流。
老我才名棲膳部。百年自署醉鄉侯。

喜胡慕庭明經入都

君在瀟湘春復春。天涯相望總傷神。尙餘萬點潺湲淚。
來對千秋骭髀身。梧月杉風堪飲酒。筆牀茶竈好爲鄰。
道如河海心如髮。肯放高譚逐轉輪。

白眼狂歌看世上。蒼鷹整翮幾人知。衣飄嶽色陵嶺見。

筆破天心霹靂馳。要卷英華如處女。不離庭戶有餘師。
養成大器爲時棟。鳴玉腰金上碧墀。

送敦甫宗丈典試江南三首

大名嶽嶽摧燕許。老學拳拳辨孔聃。

帝曰才人棲草莽。公隨秋色到江南。蔣山白露吹旌旆。
淮水清波遶蔚藍。郭外有亭亭外柳。青衿羅拜使臣驂。
舊階蹭蹬遲黃閣。新命歡呼走搢紳。天地蒼茫無限事。
文章典重有斯人。龍圖鳳篆飛鷹勢。孔思周情卓犖身。
此去莫嗟千里道。秋光圓滿照車輪。

彈指皇華年復年

公三典江南試

梗楠杞梓上青天江南江北

多才藻公去公來聳道肩默坐無聲河漢白長歌有得

雪霜圓寥寥茂叔堯夫意儘與吳門弟子傳

明雲閣丈自黔歸來凡三轉階賀之以詩兼寓已

懷

講堂深處依銅鼓使節歸來傍斗魁滿眼浮雲看鐘鼎
一時佳氣集蓬萊風儀好賜蒲公佩經濟應調傅相梅
自笑琅玕篇在肘不離案牘贅生埃

新秋夜坐簡雲閣丈兼贈郎君慕庭明經

梧桐垂老柳垂黃。月白霜清君子堂。木以春風爲杖履。
未妨秋色滿衣裳。鳳鳴王國摧凡響。鯉對庭除發古香。
世上若談湘水淥。芝田蕙畝長兒郎。

扇子湖曉行簡許玉叔王菽原徐韞齋三前輩

扇子湖邊秋可望。禁鐘催曉射扶桑。波承枯藻魚皆立。
露點衰楊鴉未黃。石路熒熒馬蹄直。桐陰歷歷鳳巢香。
腰金鳴玉尋常事。誰寫

絲綸潤八荒

同陳子鶴吏部江飲吉比部散步昆明湖

柳橫橋轉。藻花流了。却文書始一游歷。歷。歷。鳬鷺秋影活。
深深臺榭。夕陽留每經。
鳳輦生春草。似有龍笙。答棹謳。萬國太平。湖水白。小臣
難買若耶舟。

送何子貞下第往浙江四首

騰騰兀兀人間酒。雨雨風風天下秋。吾道非與能傲命。
君今往矣莫回頭。孤山明月林和靖。剡水扁舟王子猷。
肯學靈均不知命。高冠長珮自牢愁。

南圖北奮竟何事。越水稽山無限情。白髮庭幃宜左右。

清秋書劍好縱橫。遶陂菰黍烟中長。出郭樓臺鳥外明。
一卷南華百盃酒。浩歌元不作商聲。

飄然一艇下錢塘。海色秋風著楚狂。天地此身隨去住。
文章無淚說行藏。茗間翡翠欺鸚鵡。梧上鷦鷯變鳳凰。
忙殺路人閒殺汝。柳湖松島卧羲皇。

百年踪跡自西東。我滯幽州雨雪中。詩好得名多恐懼。
官清無術似昏懵。每傷萍梗真如寄。欲脫塵纓不可同。
獨把西湖澹時事。紫魚青筍飯秋風。

送彭寶臣丈歸里

南望雲天深。復深秋風一。笑好抽簪。蒼眉老眼知來去。
白石清泉自古今。鳩杖逍遙塵土外。鷗盟縹緲歲年心。
公能招隱吾須隱。江國魚龍識苦吟。
百年何必羨侯封。海作桑田棟作蓬。大抵山林多壽考。
不知人世有秋風。魚蝦好佐青精飯。鶴鹿長隨白髮翁。
說與雞蟲閒得失。挂冠神武樂無窮。

移居四首

天涯鬱鬱久爲客。人事勞勞欲掩屏。錦繡不須光祿郎。
詩書自要子雲亭。雙槐老骨撐風雨。片石奇文夾紫青。

忽憶平生喜。薤薤稍移數武。卽沙汀。

地僻真疑處士齋。左支藥臼。右詩牌。雲稠四角。禽穿樹。
月滿三更。蛩上階。窗曉病妻安寶髻。院平嬌女試弓鞋。
汝曹不識長安客。未有囊錢強自排。

此身汎汎似行舟。十載蹉跎兩鬢羞。人世升沉都澹泊。
室家安否與綢繆。紅雲晚挂蠨蛸網。白菊晴飛蛺蝶秋。
且喜且歌堪俯仰。去賒美酒典貂裘。

洞庭白水武陵霞。牢落塵纓不到家。用意已知松竹好。
結廬宜向雨風斜。愁消塊壘三杯蟻。秋滿梧桐一樹鴉。

起視牆根憐。踽踽春來紅。蔓放紅花。

憶舊鄰孫康甫五首

門庭恰恰昔爲鄰。兒女咻咻每累君。心爲慈祥分粟粟。
貌因閑暇帶烟雲。秋懷阮藉千樽酒。筆力羊欣數幅裙。
苦憶謳吟短檠下。月斜河漢白紛紛。隔巷忽如千里道。
殘秋忍對萬重山。乾坤寄我蒼茫意。風雨懷君縹緲間。
萬石兒孫誦古意。孟光夫婦極蒼顏。早知聚散摧雙鬢。
悔不朝昏共一關。

身騎瘦馬宴枯魚。三歲窮愁兩腐儒。鄭老襟期君最似。

賈生涕淚我應無。醉看周易藤陰下。病把離騷秋雨俱。
長笑五侯賓客盛。朝來暮去總區區。

雙雙得伴看魚鳥。旦旦披襟有弟兄。魯酒初香春雨細。

槐陰如水夏雲輕。力驅惡少盧仝屋。余一僕頗得心折。

狂歌李白名。余性伉直論事太切所爲詩文顧昔結。

交好。樗叟秋風回首淚縱橫。

故宅移居三五里。愁腸牽引萬千迴。滄浪水上元真子。

飯顆山頭瘦損才。荷雨鬚眉經雨雪。飄飄姓字畏塵埃。

腐儒也擬尋漁父。南國扁舟自往來。

挽鄭芝泉太守

天高何處問榮枯。蕙逝蘭焚一歎吁。十丈怒潮蛟渚黑。
五更殘月鹿門孤。淒涼離別關生死。小小交游半有無。
僂指新知誰似汝。雷陳膠漆日荒蕪。

見說襄陽繁劇郡。山橫豺虎水橫鼉。勤思民物眠餐減。
病理文書鬢髮搓。出入何心猜鵬鳥。安危有識說銅駝。
兒童欲比羊開府。峴首荒碑手重摩。

鍾王翰墨時時作。

芝泉喜作字

召杜聲名箇箇傾。赤驥汗蹄

無近遠。青蠅鼓翅自縱橫。曾參恐懼鶯簧巧。李廣蹉跎

燕。領。驚。惟。見。滄。浪。鳴。咽。水。愛。才。洗。謗。不。勝。情。

摧。頽。毛。羽。怨。顛。風。辛。苦。功。名。付。短。蓬。三。益。揣。量。窮。若。此。

余。嘗。號。賀。拓。農。黃。惺。溪。九。幽。悲。憤。儻。無。窮。傷。心。慟。哭。陶。

都。督。哭。芝。泉。幾。慟。作。客。零。丁。左。太。冲。時景喬方爲芝泉記室欲。老。

君。才。驚。物。化。不。成。時。棟。愴。

晨。哀。芝泉舊寮蘇蘆石廉訪入覲帝猶論及惜其短折

滄。海。桑。田。一。笑。過。百。年。鹵。莽。似。流。波。若。論。生。死。尋。常。見。

未。了。乾。坤。恨。事。多。杞。梓。有。材。霜。凜。冽。芙。蕖。無。語。涕。滂。沱。

九。關。可。訴。巫。咸。倦。不。管。人。間。薤。露。歌。

溪行

簿書拋棄等閑事。巾帶逍遙聊此游。千柄萬柄白菡萏。
一聲兩聲黃栗留。行看邱壑有生意。坐見雲霞來點頭。
來日大難非我料。飄然身在古滄洲。

贈胡慕庭明經

岸幘雄譚奔紫電。批書快手掣長鯨。狂如阮籍非關酒。
愁似張衡不爲名。刪汰靡言真具眼。表揚先達總深情。
慕庭極褒李。茶陵楊武陵。是非大抵如烟霧。誰把千秋取次評。

喜雪

天子未開大高殿。瑤華已滿萬年枝。朱城紫漢氤氲夜。
璧沼銀臺變化時。六月邦畿愁旱魃。兩河黎庶困馮夷。
兵戈疾疫雙悽惻。穀熟民肥是我思。

古意題梁蔭鄰前輩詩集

陶阮淒其甫愈終。正聲變體委秋風。公方慘澹經營際。
我亦蒼茫感慨中。古意崢嶸歸妥帖。長歌嗚咽寄虛空。
兩心炯炯存騷雅。不廢江河萬古東。